

Qwerz savet en memor d'an dud bouzet war lestr Sant-Philibert

085_01_2010_0472
JPB-EA-06536
206413**

Gwerz savet en memor d'an dud beuzet war al lestr SANT-PHILIBERT d'ar 14^{ved} a viz Even 1931

Ton : KER-18

I
Kenvroiz eus a Vreiz-Izel,
Dont 'ran adarre d'ho kervel
Evit silaou eur ganaouen
'Meus rimet gant kals a anken.

II
Alies 'meus grêt tro ar vro,
Dreist-holl eun nebeut amzer 'zo,
A dost hag a bell diouz ar gêr
'Meus kanet dre bep sort amzer.

III
Goude distruj dour ar c'hreiste
Ilis Plougonven warlene,
Ha maleuriou bras Konkarno
E meus baleet meur a vro.

IV
Met breman, gant kalz a c'hlac'har,
Pa neus ken war hon taol douar,
E teuan da c'houlenn skoazel
Digant holl zent koz Breiz-Izel.

V
Da zont da harpa va fluen,
Ma kavin ar wir sklerijen,
Da ziskleriea d'ar Vretoned
Ar c'holl braz zo bet en Naoned.

VI
D'ar zul, parzeg a viz even
Aet d'ober eur bourmenaden
War lestr anvet Sant-Philibert,
A grenn-dost da gêr Sant-Nazer.

VII
War bemp-kant e oant partiet
Mintin mat a gêr an Naoned.
Vit tremenn ar bras eus an de
Barz en enezen Noarmoutier.

VIII
Da vont, ar veach 'oa bet brao,
Met, siouaz ! ar mor en em zao,
Kement ne oa ken a voyen,
Kaer a oa esaat derc'h penn.

IX
O tistrei, etal Sant-Gildas
Al lestr, barz e fons ar mor bras,
A zo bet aet en berr-amzer ;
Pebez glac'har d'o zud er gêr.

X
Pa glevchont ar c'helou spontus,
O oaint rentet ken malevrus,
Chommet o zud e kreiz an dour
Heb n'helle den d'o zikour.

XI
Kriz a oa klevet o c'hlemmou,
Bugaligou, tadou, mammou,
Priejou nevez dimezet,
Holl nemet eiz int bet beuzet.

XII
Gwelit 'ta 'l lestr Sant-Philibert,
'Neus gret, siouaz, kalz a vizer,
'Lezel en fons ar mor distur
Tud en o brasa plijadur.

XIII
Pevar-c'hant-hanter, pe war-dro,
'Lerer, deus kavet o maro
Hep konta ar vugaligou
'Oa c'hoaz war barlen o mammou.

XIV
D'ar re a zo bet soveteet,
Souetomp ar gwella yec'hed,
Mar teufont d'en em gonsoli
Demeus ar sort merzerenti.

XV
Ma teuy ar gonsolasion
Da ezetaat pront o c'halon
Ha da chom gren 'pad pell-amzer
Goude kement-all a vizer.

XVI
Hogen gwelit, va c'henvroiz,
'Zo kalz a dud en eur stad trist,
Kemeromp peurz en o foaniou,
O sikouromp 'n o ezommou.

XVII
Rak ar blandeden 'zo kalet,
Siouaz, en bro ar Vretoned,
Ar mor, gant e fallagriez
A ra maleuriou aliez.

XVIII
Nag a bet gwech 'teu ar sord fall
D'ober glac'har da gement all,
Rak 'nomp ket c'hoaz evit miret,
Deus dour, na kurun, na luc'hed.

XIX
Dreist-holl, Breiziz, tud an Arvor
Kouls er mene evel er mor,
Tud ar c'heriou ha war ar mêz,
Truez demeus an dudou kez,

XX
A zo hirio oc'h hirvoudi
Gant dienez braz en o zi,
Poaniet barz en pep sort feson
Gant trubuilhou ha ran-galon.

XXI
Silaouomp eta o c'hlemmou,
Greomp d'ezo aluzennou,
Breudeur omp holl war an douar,
Kouls er joa evel er glac'har.

XXII
Hervez hon galloud hag hon stad,
Mez, deuomp holl a galon vad,
Karomp, greomp vad d'hon mab,
Tre ma vefomp war ar bed-mad.

XXIII
Rak hini 'hanomp ne oar lenn,
'Pez a verk deomp ar blandeden,
Met dre ma tremenn an deyoù,
Ar mizioù hag ar blavezioù.

XXIV
A pa deuf er toull ho tor
Deuit gant eur galon digor
Da zigemer gant karante,
Sikouromp an eil egile.

XXV
Ha neuze, holl e vemp laouen
Hag ar vuez, berr da dremen
Rak hon poanioù a zo dister
Kichen tud kez Sant-Philibert.

XXVI
Diskit ar werz man, penn-da-benn
Sentit demeus skrid va fluen,
Ha sur 'oun, ar wir Vretoned
Deuio maoc'h d'en em garet.

XXVII
En hon pedennou, barz er gêr
Pedomp Aotrou Sant-Philibert
Ma vezo ar gwir avokad
Vit an dud beuzet en e vag.

XXVIII
Goulomp, en amzer da zoned
Ar peoc'h etre ar Vretoned,
War vor, kouls vel war an douar,
Demeus hon traonien a c'hlac'har.

XXIX
Rak ar vuhez, meurbet 'zo berr,
Buan e tremenn an amzer,
A greiz-holla 'vez diskaret
Ar c'hrenva a zo war ar bed.

XXX
Goulennomp en eur finissa,
Ar Baradoz 'vit an dud-man ;
D'an eiz 'zo chommet en buhe
Ar yec'hed ha prosperite.

Emil GALLIC, kaner brezonek, PLOUGONVEN.

Imp. Louis Beaulé, Morlaix